

Projeitu Resiliensia Kosteira Apou Parseria Publiku no Privada ba Restorasaun Ai-Parapa iha Timor-Leste, Marsu 2018

UNDP Timor-Leste nia kolaborasaun ho Ministerio Agrikultura no Peskas (MAP) implementa daudaun projeitu "Harii Resiliensia Kosteira Timor-Leste nian atu Proteze Komunidade Lokal no Sira-nia Meius Subsistencia" ho comunidade lokal iha munisipiu Dili, Liquica, Bobonaro, Covalima, Manufahi, Manatuto no Viqueque ho apoiu finansial husi GEF desde Setembru 2016.

Parseria hola papel importante ba atinjimentu dezenvolvimentu inklusivu no sustentavel atravez responsabilidade no kometimentu kompartilhadu hodi proteze no conserva ita-nia ekosistema. Hasae kunesimentu entre parte interesadas tomak iha prosesu dezenvolvimentu ne'e importante tebtebes duke kuda deit ai-parapa. Tan ne'e, involve seitores privada atu hametin parseria iha rehabilitasaun no restorasaun ai-parapa nebe vulneravel no ekosistema ai-parapa mak projeitu nian komponente xave ida.

Desde hahu projeitu, UNDP mantein esforsu boot atu involve parseiru barak liutan hodi suporta iniciativa no asegura kometimentu fundus ba tempu naruk. Husi kampanha dahuluk, kampanha "Labarik Ida Ai-Parapa Ida" nebe halao ona iha Abril 2017 iha kolaborasaun ho MAP, ONG Konservasaun Flora no Fauna (KFF) no autoridade lokal no comunidade iha Ulmera, Munisipiu Liquica. Kampanha hamosu ona kunesimentu boot iha comunidade nia le'et, estudantes, governu, ONG no parseiru dezenvolvimentu seluk.

Inisiativas balun halao ona liuhusi apoiu direta no indireta husi UNDP ho parseiru lokal, MAP atu proteze no conserva ai-parapa Timor-Leste.

Momentu importante ida iha parseria publiku no privadu hatur ona durante kuda ai-parapa iha Metinaro iha dia 23 Feveiru 2018 nebe hanesan ezemplu susesu ida konaba haforsa parseria iha esforsu protesau no konservasau iha Timor-Leste. Parseirus hanesan Heineken, Banku BRI, Banku Mandiri, Kompania Mina Internasional Pertamina no UNDP nia kolaborasaun no apoiu ba Diresau Nasiona husi Floresta, Kafee no Plantas Industria, MAP no kuda ona ai-parapa oan liu 2000. Ministru, Vice Ministru, Diretor Jeral husi Floresta, Kafee no Plantas Industria, funsionariu governu, comunidade lokal no autoridade postu administrativa no mos estudantes universitaria nebe partisipa iha eventu plantasaun ne'e.

Esforsu ne'e posivel tamba seitores privada nia aumenta kumpriensaun nebe hakarak fo apoiu ba protesau no konservasau ai-parapa nudar parte ida husi kompania nia responsabilidade sosial nune'e mos sustentabilidade husi sira nia negosiu. UNDP sei kontinua ninia advokasia no apoiu hodi aumenta parseria publiku no privada ne'e ba espansaun adaptasaun kosteira no jestaun ekosistema hodi harii resiliensia husi comunidade kosteira Timor-Leste.